

HIERONYMUS.

ΕΥΣΕΒΙΟΣ.

EUSEBIUS.

¹ *ARCEM*, refert Josephus hanc esse Petram urbem nobilem Palæstinæ.

Ἀρχὴν, κατὰ Ἰώσηπον. αὕτη ἐστὶ Πέτρα πόλις ἐπίσημος τῆς Παλαιστίνης.

ARCEM, opinione Josephi: hæc est Petra civitas nobilis Palæstinæ.

ARCHIATAROTH, Jos. xvi. eadem urbs quæ paulò post *Atharothaddar* vocatur, quemadmodum nos probamus ad illud caput ψi. 2. Vide supra in *ADARA*.

² *AREAATAD*, locus trans Jordanem: in quo planxerunt quondam Jacob tertio ab Hierico lapide, duobus milibus à Jordane, qui nunc vocatur Betagla, quod interpretatur locus gyri, eo quod ibi more plantantium circumierint in funere Jacob.

AREA NACHON, vel *AREA CHIDON*, ad quam cum perventum esset, quo tempore fœderis arca adducebatur à Davide ex Cariathiarim in Hierusalem, Oza à Deo percussus fuit, quod manum arcæ sustentandæ, quæ nonnihil declinaverat, admovisset, 2 Reg. vi. & 1 Paral. xiii. Sunt autem *Nachon* & *Chidon* ejusdem viri duo nomina.

³ *AREA ORNAN*, hæc est Hierusalem.

Ἀλλὰν ὄριον (reponere ἄλλαν ὄριον) αὕτη ἐστὶν Ἱερουσαλήμ.

AREA ORNAN, hæc est Hierusalem.

⁴ *AREBBA*, in tribu Juda.

Ἀρεμβά, φυλῆς Ἰούδα.

AREMBA, tribus Juda.

ARECON, urbs in tribu Dan. Jos. xix. ψi. 46.

AREOPAGUS, locus Athenis, in quo judicia capitalia exercebantur, à quo Judices Arcopagitæ sunt dicti, qui olim sapientes, & incorrupti audierunt.

⁵ *ARES ASCENSUS*, pro quo Aquila interpretatur saltuum: Symmachus montium.

⁶ *ARETH*, fons apud quem Gedeon castrametatus est.

Ἀρεθ, πηγὴ, ἐνθα παρεμέβαλε Γεδεὼν.

ARED, fons, ubi castrametatus est Gedeon.

⁷ *ARGOB*, regio Og regis Basan, super Jordanem, quæ cecidit in sortem dimidiæ tribus Manassæ: & est usque hodie vicus circa Gerasam urbem Arabiæ quindecim ab ea distans milibus contra Occidentem, qui Arga appellatur.

Ἀργόβ, χώρα βασιλείας ὧν ὑπὲρ τὸν Ἰορδάνην, ἣν ἔλαβον οἱ ἀπὸ φυλῆς Μανασσῆ. κεῖται δὲ εἰς ἑπτὰ μίλια πρὸς τὴν Γερασὴν πόλιν τῆς Ἀραβίας, ὥς ἀπὸ σημεῖων ἐς τὸν δυσμὰς· καλεῖται δὲ νῦν Ἐργὰ, ἐξημνηθεὶς δὲ αὐτὴν ὁ Σύμμαχος περιέμετρον.

ARGOB, regio regni On trans Jordanem, quam ceperunt posterius Manassæ. Est autem usque hodie vicus circa civitatem Gerasam Arabiæ quasi in decimo quinto lapide versus Occidentem: nunc verò vocatur Erga: interpretatur eam Symmachus Perimetrum seu dimensum circuitum.

ARIE, quæ vox Hebræis *leonem* significat, est itidem loci nomen (ut *Argob*) in eadem Samaria urbe, Lib. 4 Regum, Cap. xv. ψi. 25. juxta versionem nostram; nam alii itidem ut vocem præcedentem volunt esse viri proprium nomen. Hujus nominis rationem non faciliè est assignare, uti præcedentis; verisimile tamen est, *Arie* seu *Leonem* vocatum locum, seu quòd in eo leones regii alerentur, seu per Metaphoram, quòd in

N O T A.

1. De hac nulla in Scriptura mentio. Petram civitatem Arabiæ primariam, non Palæstinæ, vocatam fuisse *Arce* scribit Josephus 4 Antiq. c. 4. BONFRERIUS.

2. De *Area Atad* diximus Gen. 50. v. 10. ubi esse constituendum hunc locum cis Jordanem probavimus, in tribu videlicet Benjamin non procul Hiericho, de qua & infra in *BETHAGLA*. IDEM.

3. Hæc pars urbis Jerusalem potius dici debuit, mons videlicet ille Moria à Davide emptus, & antea ab Ornan Jebusæo possessus, in quo postea templum Salomonis ædificatum est. IDEM.

4. De hac habes Jos. 15. v. 60. IDEM.

5. Ubi ea voce tamquam propria usi sint Septuaginta non faciliè credo nunc reperias: videri tamen possit alludi ad Scripturæ locum, Judic. 1. v. 35. ubi & Hieronymus vertit, in monte Hares. Accedit quòd & ibi Regius Codex Septuaginta Interpretum habeat ἐν τῷ ὄρει τῷ Ἀρεθ, in monte Hares, seu in ascensu: nam mons ascensu constat, et si Codices alii eam vocem non habeant. IDEM.

6. De eodem fonte supra egit Hieronymus in voce *Aared*, & nos ibidem; in versione nostra vocatur *Aared*. Ex hac voce & aliis similibus, quæ pluries cum aliqua mutatione literarum repetuntur, satis liquet Eusebium vel Hieronymum diverso modo reperisse easdem voces scriptas in diversis Codicibus Septuaginta Interpretum, vel certè in diversis Scripturæ locis non eodem modo fuisse à Septuaginta Interpretibus hæc urbium nomina expressa, quòd posterius etiam non semel locum habet in Hieronymi versione. Addo verò nec in Hebræo eadem semper puncta affigi, & olim, cum punctis carerent,

facile potuisse modò hæc, modò illa puncta affigi. Hæc tamen vox cum nonnisi semel reperitur in Scriptura, Judic. 7. v. 1. non potest diversæ hujus lectionis causa reddi, nisi varia in diversis Codicibus lectio. IDEM.

7. Non videtur regio *Argob* arctanda ad regionem Trans-Jordaninam super Jordanem, quam postea possedit dimidia tribus Manassæ Trans-Jordanina, sed extendenda ad totam illam regionem, quam possedit eadem illa dimidia tribus usque ad montem Galaad, ad quem versus Orientem pervenisse non dubium est. Id autem probari potest è pluribus Scripturæ locis, quæ totam sortem dimidiæ illius tribus Manassæ definiunt sexaginta civitatibus magnis & muratis: at eadem sexaginta civitates tribuuntur regioni *Argob*, Deuter. 3. v. 4. & 3 Reg. 4. v. 13. Sed & tota nominis istius regionis ratio, quam hic probare videtur Hieronymus, probari debet nonnihil ambigo: crediderim potius, etsi res sit obscura, dictam regionem *Argob* à rege aliquo Amorrhæorum, qui in ea regione regnavit; eoque nomine fortè dictum eum, qui primus eam regionem invasit: satis enim constat initio Amorrhæos & Chananæos non tenuisse Trans-Jordaninam regionem, sed jure belli eam occupasse. Et & *Argob* loci nomen in urbe Samaria, 4 Reg. 15. v. 25. qui non aliunde videtur nomen accepisse, quam à Galaaditis, qui è regione *Argob* venerant, ut ibidem verbis sequentibus insinuat. Et hoc juxta versionem nostram; nam alii nomen viri proprium esse volunt. IDEM.

8. Pro ὧν reponere ὧν, hujus enim in Scriptura dicitur fuisse regio *Argob*. IDEM.

1. Apud